



Broj: 08-06/2-14-2-896-10/16

Dana: 21.03.2016.godine

Na osnovu člana 22. Zakona o unutrašnjim poslovima Zeničko-dobojskog kantona – Prečišćeni tekst ("Službene novine Zeničko-dobojskog kantona", broj 15/04, 11/05 i 09/09), a u vezi sa članom 69. stav (3) i članom 70. st. (1), (4) i (6) Zakona o javnim nabavkama („Službeni glasnik BiH“, broj 39/14), članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za javnu nabavku iz Zapisnika o ocjeni ponuda broj: 08-06/2-14-2-896-4/16 od 18.03.2016. godine, u postupku javne nabavke – LOT: 3 "Sukcesivna nabavka goriva za potrebe PS Maglaj", ministar Ministarstva unutrašnjih poslova Zeničko-dobojskog kantona, d o n o s i:

O D L U K U

o poništenju postupka javne nabavke

Član 1.

Poništava se postupak javne nabavke za LOT 3: "Sukcesivna nabavka goriva za potrebe PS Maglaj", iz razloga što su dostavljene dvije ponude sa istim cijenama - član 69. stav (3) Zakona o javnim nabavkama.

Član 2.

Za izvršenje ove odluke zadužuje se i ovlašćuje Sektor za podršku.

Član 3.

Ova odluka objavit će se na web-stranici ugovornog organa (www.mupzdk.gov.ba) u skladu sa članom 70. stav (6) Zakona o javnim nabavkama.

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 08-06/2-14-2-896/16 od 22.02.2016.godine.

Javna nabavka je provedena putem otvorenog postupka za dostavu ponuda.

Procijenjena vrijednost javne nabavke je 56.160,00 KM bez PDV-a (65.707,20 KM sa PDV-om)

Obavještenje o nabavci broj: 488-1-1-5-3-6/16 objavljeno je na portalu javnih nabavki dana 23.02.2016.godine u 14,47 sati.

Komisija za javnu nabavku imenovana je Odlukom broj: 08-06/2-14-2-896-2/16 od 24.02.2016.godine.

Komisija za javnu nabavku sačinila je Zapisnik o otvaranju ponuda broj: 08-06/2-14-2-896-3/16 od 15.03.2016. godine i Zapisnik o ocjeni ponuda broj: 08-06/2-14-2-896-4/16 od 18.03.2016. godine, kojim je dala preporuku o poništenju postupka javne nabavke za - LOT: 3 "Sukcesivna nabavka goriva za potrebe PS Maglaj".

U postupku po dostavljanju pomenute preporuke Komisije, utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu kvalifikovanosti ponuđača, o čemu je sačinila odgovarajuće zapisnike, u kojima je utvrđeno sljedeće:

- da su se do roka određenog za dostavljanje ponuda za LOT 3, 2 (dva) ponuđača prijavila na predmetno javno nadmetanje i to: "ENERGOPETROL" d.d.. Sarajevo i "SJAJ PETROL" d.o.o. Maglaj.

- da su ponude ponuđača "ENERGOPETROL" d.d. Sarajevo i "SJAJ PETROL" d.o.o Maglaj kvalifikovane, ali budući da su oba ponuđača dostavili istu cijenu, ne može se izvršiti odabir najpovoljnijeg ponuđača – član 69. stav (3) Zakona o javnim nabavkama.

Nadalje, u postupku ocjene provedenog postupka, ovo Ministarstvo nije našlo razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim aktima i tenderskom dokumentacijom.

Naime, u postupku predmetne nabavke nesumnjivo je utvrđeno da su oba ponuđača ponudili istu cijenu, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav (3), člana 70. st. (1), (4) i (6) Zakona o javnim nabavkama („Službeni glasnik BiH“, broj 39/14), člana 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

DOSTAVLJENO:

1. Sektor za podršku, 2x.-
2. Spis, 1x.-

MINISTAR

Nikola Arsenić